

## La Banca Chantunala Grischuna publitgescha il rapport annual ed il rapport davart la durabilitad 2013

Cuira, ils 25 da mars 2014 – La Banca Chantunala Grischuna (BCG) publitgescha ils 25 da mars ses rapport annual 2013 che cumpiglia er il rapport davart la durabilitad. Il tema da quest onn: «Cuntinuitad. Midada.» En quest rapport sa referescha ella a ses facturs da success: las valurs liantas e la prontad da far midadas.

La gronda abilitad da s'adattar, ina cultura d'interpresa vivida che sa basa sin ina visiun enclegentaivla e sin valurs liantas, sco era la vischinanza a las clientas ed als clients èn per la BCG la clav al success. Per l'emprima giada ha la summa da bilantscha da la banca surpassà il cunfin da 20 milliardas francs.

### Dotada cun bler chapital e segira

La Banca Chantunala Grischuna vala cun sia dotaziun d'agen chapital surproporziunala e cun sia auta conscienza da las ristgas sco banca segira. Da quest avis èn er experts ed analists independents. L'agentura da rating Standard & Poor's ha confermà a la BCG 2013 la segund auta categoria da valitaziun AA+.

### Projects durabels e conscients da l'ambient

Sco interpresa enragischada fermamain en il Chantun surpiglia la BCG sia responsabladad ed agescha cun senn per la durabilitad. Sco partenaria da la Fundaziun svizra myclimate sustegna ella dapi il 2013 en l'entir mund projects che gidan a reducir ils gas cun effect da serra e che prendan resguard da l'ambient. Ulteriuras infurmaziuns davart la durabilitad chattais Vus en il rapport annual actual sco era sut [www.gkb.ch/nachhaltigkeit](http://www.gkb.ch/nachhaltigkeit).

Il rapport annual 2013 è disponibel a partir d'immediat sco PDF sut [www.gkb.ch/publikationen](http://www.gkb.ch/publikationen). A partir da mesemna, ils 26 da mars 2014, pon ins retrair la publicaziun en tut las agenturas da la BCG. Exemplars stampads pudais Vus [empustar qua](#).

### A Vossas dumondas respunda gugent:

[alois.vinzens@gkb.ch](mailto:alois.vinzens@gkb.ch), president da la direcziun generala | +41 81 256 94 26

### Il sector Marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11.

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa l'097 collavuraturas e collavuratur (stadi dals 31-12-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 20,001 milliardas in gudogn brut consolidà da CHF 214,4 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Radunanza dals participants:	12 d'avrigl 2014
Rendaquint semestril 2014:	25 da fanadur 2014

chascha postala  
7002 Cuira  
Tel. +41 (0)81 256 91 11  
Fax +41 (0)81 256 99 98  
[www.gkb.ch](http://www.gkb.ch)